

元明事類鈔

欽定四庫全書

元明事類鈔卷十四

監察御史姚之駟撰

人倫門

祖孫

四世知學 元宋本集蘓伯修高祖作屋置書祖威如
又手自鈔校得數百卷貯之名曰滋溪書屋至父益
市書萬餘卷教子尤嚴今伯修又嗜學不厭蓋四世

知為學矣

四世八相 元史綽斯戡額森布哈之孫額琳沁之子也四世為丞相者八人世祿之家鮮與比盛

太守山 明史藁陳彥回守徽州遭祖母郭喪以百姓乞留屢請終喪不許葬郭徽城北山上彥回時走墓所哭甚哀人目之曰太守山後死建文之難

魁元卿相 靳貴集楊公春乃石齋先生之父孫慎狀元及第令子秀孫既多且顯魁元卿相勲業文章並

萃一時公皆及親見之

除祖戍 遜國臣記程通祖平謫戍延安通上書求免
言極懇切高帝憐之私命驛召平既至並召通東西
立殿陛下顧通曰汝識此人否祖孫相持哽咽不能
仰視帝嘆曰孝哉此人命除其籍

廬湧醴泉 明語林徐應魁有至性祖母歿負土成坟
冬大雪門徑盡沒水火絕六日忽地響廬中醴泉湧
出

得詩乞歸 稗史王璧為郎署居京師其祖壽登期願
寄詩有云若使來者百歲祖何妨遲作十年官璧以
詩聞乞歸省

誦祖讀書 王守仁年譜公生五歲能言一日誦祖竹
軒公所讀過書訝問之曰聞祖讀時已熟記矣

得頭泣葬 明史藁邊之垣攻破番禺嘉靖初之垣祖
輪討賊被殺賊漆其頭為飲器至是六十年之垣得
頭而泣遂還葬焉

一身五世 文徵明九十元日詩百歲幾人登耄耄一
身五世見曾元

父子

一門倡和 中州志許有士仕宦垂五十年工詞章子
禎少負才一門倡和共為圭塘欸乃集

一子能教 元宋本集蘇威如至伯修三世皆一子惟
其能教故悉克自樹立今伯修亦一子甫黜而穎拔
可就傳

母子義烈 元史姚天福拜御史母戒之曰當公爾忘私勿以未亡人為卹天福亦請于憲府曰監察責當言路苟獲譴乞不為親累帝聞嘆曰母子義烈之言當於古人中求之

戒酣酒 元史類編拜珠母奇味氏寡居教子甚嚴一日入侍宴英宗知其素不飲強以數卮既歸母戒之曰天子試汝量故強汝飲汝當益戒懼無酣于酒

得學家庭 元綱鑑朱公遷父梧岡翁聞同郡準軒吳

中行得朱子門人黃榦之學於廣信饒魯因往學焉由是道德文章卓然名世公遷之學得之家庭為多

內訓口授 元史虞集母楊氏宋末兵亂攜家趨嶺外無書可讀楊氏口授集論語孟子左氏傳歐蘓文後集文翰擅名皆楊氏內訓之力也

旌門 元史貝降母徐氏盛年守節教子甚嚴比貝降貴特旌其門及老見貝降歷官有聲譽乃喜

督畊雨中 名世類苑劉忠宣公教子讀書兼力農常
督畊雨中或勸公為子乞恩曰此固國典然以待賢
有功者某則何敢

伯溫有子 明紀事本末劉璟同兄璉侍父入朝太祖
奇之曰阿璉明秀阿璟凝重伯溫有子矣後文皇登
極璟不屈死

世為冢宰 南雖志詹同為吏部尚書甄別人倫鋪張
神藻為朝野所推服子徽仕至左都御史兼吏部尚

書父子世為冢宰亦薦紳盛事也

吾兒將酒 明語林張輪官知府歸省郡守過候父留
飲輪持榼上饌如童子饌既具即退立廡下郡守固
請答曰韋君候過敝廡老父主之吾兒特將酒耳郡
守惶恐欲起乃賜食廡下

執簪以問 王錡雜記尤安禮為貴州叅議罷歸有一
子命之洒掃執簪以問曰大人地從何處掃起其謙
厚如此

虐名士 藝苑卮言王稚欽少為文頃刻便就多奇氣
然好狎遊躒不可馴父母扶扑之輒呼曰大人奈何
輒虐海內名士耶

有子不識 名鄉集紀胡世寧子繼幼讀書不了了父
亦棄之世寧調兵至江西兵官以世寧出見繼繼為
指授甚詳三日世寧歸閱得實嘆曰我有子自不識
何也自是擊賊必從繼方略十不失一

五十荆 明王鏊穫稻分三子詩家風似此真堪賞只

少叅軍五十荆自注蔡叅軍貲巨萬以豪蕩盡晚不能給其子乃各杖而遣之明日周侍御往賀曰聞尊門析產長君五十餘三十也邑中傳以為笈

申父志 羅洪先集劉球以劾王振遇害始鍾復實約與偕為妻泣勸而止未數日鍾病死妻亟悔之子同尚穉比長常欲申父志後諫易儲杖死入祀郡中忠節祠與公同日迎主且聯坐云

繼武若翁 獻徵錄宋訥為祭酒凡諸生守官稱職者

多出訥門上每舉為教國子者楷法次子復祖上召為司業進而諭之曰若尚思繼武若翁也

按撫父子

李開先集藍田巡按山西父資善先巡撫其地有平亂安民功諸縣為立生祠公取道瞻拜復修其舊政西人謠曰一按一撫一子一父鹵不犯邊民皆安堵

血書訣父

吳偉業集天啟中逆奄矯旨逮御史江陰李公於其家下詔獄以死獄中裂裳嚙血訣父手書

自言三十餘歲便作一世人矣

呼子東樓 王世貞集相嵩晚年每承聖諭必藉世蕃
籌略方應荅無忤而機務亦須世蕃取辦故嵩不敢
名其子而呼之曰東樓

安能為孝 明季遺聞李自成破京師吳三桂援師將
至賊命三桂父驤作書招之三桂致書絕父云父既
不能為忠臣兒亦安能為孝子兒與父訣請自今日
賊怒戮驤家三桂痛哭誓師而進

語兒焚硯

明紀事本末御史李應昇下獄拷死卒之

前一日寄詩云寄語兒曹焚筆硯好將犁犢聽黃鸝

喜逢口

明張翥集溧陽驛東北有雙塚世傳昔有久

戍不歸者其父求之適遇此山下相抱大哭喜極而
死遂葬于此因名喜逢口亦猶望夫之有石也

一品親扶

虞集文劉廣官一品年七十而孝靖公無

恙仁宗有賜拜受公鬚髮皓然親為扶掖詳見老壽
為賢母歡 泳化編永樂中正月夏原吉侍母往午門

外觀燈上聞之賜鈔二百錠曰為賢母歡也詳見上元

王氣在燕 楊士奇集隆平侯張信初為北平都司受
密勅令縛藩府人信日夕懔憂母微察之信屏人以
對母曰不可汝父每言王氣在燕汝無妄為禍家族
固求見母 筆塵顧文康公鼎臣父為小賈其嫗甚妬
文康及第嫗猶虐其生母使之蓬跣執爨不令見子
文康遂介親友固求見母久之乃令自厨下出衣服

藍縷文康抱之大慟親友皆為泣下

治事告母 明史藁蘭芳永樂時知吉安郡母甚賢芳

日所治事暮必告母有不當母必教誡之芳受命惟
謹由是為良吏

為嚴師 明語林孫文恪陞妻楊氏有才學能詩于諸
子為嚴師四子皆致卿貳諸孫皆進士如游官至大
學士

灌園跪飲 王堂叢話陳檢討繼幼孤母守節訓公嚴